



MARON KO AN AJIRI RO REJ BED ILO KEJBAROK IN FOSTER

Einwöt juon ajiri ak jodikdik ilo Jikin Jerbal eo an Foster iomwin Objekt eo ej Bök eddon ainemmon im ejmour an ajiri ilo Hawaii, ewör am maron ko laajrak:*

Ilo mweo imöm:

- Jab walok jorrään ñan enbwinim, kalmenlokjen, kakkure in loñ ak jorrään ko jet
- Mōñā im jikin kiki im nuknuk

Jiban ko ikijen Ejmour im Takto:

- Bök jiban ko ikijen taktō, taktō in ñi, iii, taktō in māj, taktō in ejmour in kōmelij
- En deloñ etan ilo juon bebe in injuran in taktō im en kōmman juon joñjoñ in etale ejmour, lelok rōjañ kin komadmōd in jiban eoiloan raan ko 45 jen ien eo emōj likūt ilo jikin eo enaj bed ie

Maron Kebaak Baamle Eo Am:

- En woñmaanlok an wör ien ko ekkā, ewör ej lale ak ejellok, in am kebaak er ilo am bed ibbeir, ak ilo talebon ñe ejab ilo wāween kebaak ko jet ibben jinom im jemom im ajiri ro jeim/jatim ijellokuñ ñe emōj an jikin ekajet kamo ak emōj an rijerbal in social work, therapist, GAL, ak CASA eo am loe ke enaj wör uwōta in jorrään ñan am kebaak er
- Dābdeb ien lolak ko ibben baamle eo am ebañ jermal einwöt juon wāween lewaj kaje

Bök kwōnaam ilo Keij eo Am/len Ronjak ko an Jikin Ekajet:

- Elañe 14 am yiō ak rüttolok, kwōn bök kwōnaam ilo an kōmman bebe in keij eo am im bebe ko ñan jeklaj eo am
- En wör ien am kebaak ilo am loe rijerbal in social worker eo am
- En wör ien am kebaak ilo am lolak GAL, CASA, im obja eo ej lale jorrään eo emōj nae ruem kake
- Bök kōjella kin en ronjak ko am ilo jikin ekajet, jede im bök ialem ñan ien roñjak ko
- Lolok im kenono ibben judge eo am
- Kajitōk juon am loar, elañe lomnak im kajitōk ko am roktak jen GAL eo am

Jelälökjen:

- Bed ilo jikuul im bed ilo jikuul eo wöt am jen mokta ijellokun ñe ejab emmontata ñan kwe
- En loñ ialem ñan jikuul eo am mokta
- Elañe kwōj ukot imōn jikuul eo am, en mokaj kadeloñ etam ilo jikuul eo ekāal
- Lale bwe kwōn bök rekoot in jikuul ko am

Makūtkūt ko an Kabun/Ālikin Jikuul:

- Kwalok tomak eo am make, makoko in kobalok ilo ien/makūtkūt ko an kabuñ
- Bök kwōnaam ilo makūtkūt ko ālikin ien jikuul, manit im ibben doon

Jiban ko ikijen an Juon Make Jokwe lan & Bepa ko:

- Juon am make akkoun in paan elañe kwonaj kajitōk juon im jiban am lale jāan ko am ijellokun ñe ewör abnōnō ko ikijen uwōta ñan am jorrään
- Jino jen joñan yiō 12, ebök kaminene in katak kabel ko ñan mour, juon bebe in oktak ej lale am kobalok ibben baamle/kwōn jikin am bed im melele kin am jokwe make iam, jiban kin bebe ko an doulul/oktak ko an jodikdik ro ilo foster
- Elane 14 am yiō ak rüttolok, bōke juon am kabe in ripoot in kredit eo am aoleb yiō ejellok wonnen ilo ien am bed ilo kejarokin foster, jiban ñan am melele kake im kōmmane jabdewöt abnōnō ko ie
- Elane 17 am yiō ak rüttolok, bōke beba ko am make ekoba beba in kamool raan in lotak jen Amedka, kaat in Social Security, kabe in rekoot in taktō, melele kin injuran in taktō, beba ko kin am kar deloñ tōk Amedka, im ID an state ak laijen in kattor

Ebar wör am maron bwe renjab lewaj mantin kalijeklok im kōjenolok im kwōn maron bōke kejarok im jiban ko rekka ñan manit im en ejellok kalijeklok kin kumi in armij eo kwōj kobalok ibbeir, armij in ia, kalor in kil, lal eo kwar ejaak jeñe, menmenbwij, jekjekin am rilikin im bed aelon in, kora ak emmaan, kalikar elañe kwōj kora ak emmaan, kwalok am kora ak emmaan, wāween am kwalok kōnaam eo am, kabuñ, utamwe in enbwin ak kōmelij, jekjekin am bōroro, ak neji, ak kin melele eo ke kwōj bed ilo kejarok eo an foster.

(Jouj im lelok jabdewöt abnōnō ko am ñan rijerbal in social work eo am, GAL/CASA, judge.)

*JEKJEN 1. Jepta 587A-, Kakien ko an Hawaii Emōj Kōkkāāl, emōj kōmman oktak ilo an kar koba juon jikin kāāl ñan paat I bwe en ekkar aer lelok im ñan riit ilo wāween eo laajrak:

"§587A- Maron ko an ajiri eo ilo kejbarok eo an foster. (a) Ra ak obje eo emōj kōmelim aikuj loloorjak, ilo jabdewōt ien emaorn, ke juon ajiri ilo kejbarok eo an foster enaj:

(1) Jokwe ilo juon imōn jokwe ejellok jorrāān ñan enbwinnin, kōlmenlokjen, kakkure in lōñ, im jorrāān ko jet;

(2) Bōk mōñā, jikin kiki, im nuknuk;

(3) Bōk jibañ ko ikijen taktō, taktō in ñi, iii, taktō in māj, taktō in ejmour in kōmelij;

(4) En deloñ etan ilo juon bebe in injuran in taktō, iloan eñoul lalem raan jen raan eo renaj kōmakūt jen mweo imōn, lelok juon joñjoñ in etale ejmour im lelok rōjañ kin komadmōd in jibañ;

(5) En woñmaanlok an wōr ien ko ekkā, ewōr ej lale ak ejellok, in am kebaak er ilo am bed ibbeir, ak ilo talebon ñe ejab ilo wāween kebaak ko jet ibben jinen im jemen ajiri eo im ajiri ro jein/jatin ilo ien an ajiri eo bed ilo kejbarok eo an foster, ijellokuñ ñe emōj an mo jen juon kakien jen jikin ekajet ak emōj an rijerbal eo an ajiri eo im ej bōk eddon ainemmon im ejmour an ajiri, therapist, guardian ad litem, ak rijibañ eo emōj an jikin ekajet jitoñe. Dābdeb ien lolak ebañ jermal einwōt juon wāween lewaj kaje. Elañe ra eo ak obje eo emōj kōmelim enaj jab kateru ien lolak ko ewōr ej lale ak ejellok ibben jinen im jemen ak ajiri ro jein im jatin:

(A) Elañe aoleb pade ro, ekoba ajiri eo, renaj errā an jab tōbrak erre ilo jab lolok kein, Ra eo ak agency eo emoj kemelimi enaj je lok ripoot ko nan jikin ekajet eo iumwin lalim ran in jermal ko nan je ta unin bwe ren kabijirak lolok ko; ak

(B) Elañe jabewōt pade ro, ekoba ajiri eo, renaj jab errā kin an jab tōbrak ien lolak ko, ra ak obje eo emōj kōmelim aikuj bael juon kajitōke juon etale an kiō wōt iloan lalem raan in jermal im rej kobaiki jejjetin wūn ko kin aer jab kōtōbrak ien lolak ko;

(6) Bōk kōjella kin ien roñjak ko an jikin ekajet, im elañe ajiri eo ekōnaan bed ilo ien roñjak ko, ra eo ak obje eo emōj kōmelim aikuj loloorjak an wōr ialen ajiri eo ñan ien roñjak ko ilo jikin ekajet;

(7) En kebaak ilo an loe rijerbal eo emōj jitoñ an lale ainemmon im ejmour eo an ajiri eo;

(8) En wōr an maron in kōjerbal tōmak in kabuñ ko an ajiri eo make, ekoba makoko in etal ñan makūtkūt im ien jar ko an kabuñ;

(9) En wōr an make akkoun ilo paan elañe emōj kajitōk im jibañ lale kolla ko an ajiri eo ekkar ñan joñan yiō im jelālokjen eo an ajiri eo, ijellokun ñe ewōr aikuj kin uwōta ñan jorrāān ak abnōnō ko jet;

(10) Maron bōk kwōnaan ilo makūtkūt ko ālikin jikuul, katak ko relablok, manit, im ibben doon; elañe juon jikin eo ej lale ajiri ak armij eo ej lelok jibañ in kejbarok enaj kōmelim an bōk kwōnaan, kōmelim eo aikuj loor joñan eo ekkar jen ibben jinen ak jemen, einwōt kōmelele ilo taitol 42 ilo jikin Kakōlle eo an Amedka 675(10)(A);

(11) Jino jen joñan yiō joñoul ruo, lelok katak in kaminene ko kin kabel ko ñan mour rekkar ñan joñan yiō eo an im juon bebe ñan oktak ñan an jimwe an emakūt jen jikin jermal eo an kejbarok in foster, im enaj koba an bar kobalok ibben baamle ak bar juon jikin enaj kwōn, im melele ilo jeje ikijen burokraam ko rej jibañ kin an juon make mour, doulul ko an jodikdik ro ilo foster, im jibañ ko kin bebe ko ñan oktak im ewōr ñan ajiri ro rej bed ilo kejbarok eo an foster im joñoul ruo aer yiō ak rūttolok im baamle ko rej jibañ er;

(12) Elañe ajiri eo joñoul emen an yiō ak rūttolok, en wōr an maron in bōk kwōnaan ilo an kōmman bebe in keij eo an im bebe ko ñan ilju im jeklaj eo an ajiri eo;

(13) Elañe ajiri eo joñoul emen an yiō ak rūttolok, bōke ripoot in kredit eo an ajiri eo aoleb yiō ilo an ejellok wonnen ilo an ajiri eo bed ilo kejbarok eo an foster im ebōk jibañ ko ikijen ukok ripoot im bukōt likjab ko, ekoba, elañe ekkar, jibañ jen guardian ad litem eo an ajiri eo; im

(14) Elañe ajiri eo joñoul jilmjuon an yiō, enaj loe mokta jen an rūtto im jab bed iomwin kejbarok jet rekoot ko an make, einwōt beba eo ewōr karōkin ak kamool kin lotak eo an ilo Amedka, juon kaat in Social Security ear itōk jen Kamijina eo an Social Security, melele kin injuran in taktō, kabe in rekoot in taktō ko an ajiri eo ak melele ñan bōke rekoot in taktō ko an ajiri eo ilo an ejellok wonnen, beba ko an rilikin ej kōmelim an bed aelon in, im laiijen in kattor ak kaat in kwalok wōn ie jen State eo; im ra ak obje eo emōj kōmelim rej aikuj bōk rekoot ko an ajiri eo.

(b) Kobalok ñan maron ko emōj likūt ilo mōttan jikin an jikin eo (a), juon ajiri ej bed ilo kejbarok eo an foster aikuj wōr an maron ko laajrak:

(1) Bwe ren jab lelok mantin kalijeklok im kōjenolok im kwōn maron bōke kejbarok im jibañ ko rekkar ñan manit im en ejellok kalijeklok kin kumi in armij eo kwōj kobalok ibbeir, armij in ia, kalor in kil, lal eo kwar ejaak jeñe, menmenbwij, jekjekin am rilikin im bed aelon in, kora ak emmaan, kalikar elañe kwōj kora ak emmaan, kwalok am kora ak emmaan, wāween am kwalok kōnaan eo am, kabuñ, utamwe in enbwin ak kōmelij, jekjekin am bōroro, ak neji, ak kin melele eo ke kwōj bed ilo kejbarok eo an foster;

(2) Ñan am maron ioon im kenono ibben judge eo ej bōk eddon keij eo an ajiri eo;

(3) En wōr ien am kebaak ilo am lolak GAL, CASA, im obija eo ej lale jorrāān eo emōj nae ruem kake;

(4) Ñan kajitōk juon loar, elañe lomnak im kajitōk ko an ajiri eo roktak jen rijibañ in guardian ad litem eo ekkar ñan jekjon 587A-16(c)(6);

(5) Bed ilo jikuul im bed ilo jikuul eo wōt ajiri eo ear jikuul ie mokta ijellokun ñe ejab emmontata ñan ajiri eo, im ñan an dik wonnen ialen ñan jikuul eo an ajiri eo mokta; elañe ajiri eo enaj jañiji jikuul eo an iloan yiō eo; ajiri eo ej aikuj kaju deloñ etan ilo jikuul kāāl eo; im

(6) Ñan bōke rekoot in jikuul ko ilo ejjā joñan ñan aoleb rijikuul ro jet.

(c) Sua sponte ak elañe ewōr kajitōke ekkar, jikin ekajet eo an baamle emaron lelok jabdewōt kakien ko aikuj ñan jabdewōt pade, koba ra eo, ra eo an jelālokjen, ra eo an ejmour, guardian ad litem, rijibañ eo ej make wōt jikin ekajet eo ear jitoñe, ak obija eo ej lale armij eo emōj nae ruen ñan loloorjak ke rej lelok maron ko an ajiri eo ilo mōttan jikin ko emōj kōlaajrak (a) im (b).

(d) Ejellok melele ilo jikin in enaj kōmman juon wūn in kōmadmōd juon bōd in kakien kin jabdewōt kakien ilo jikin in."